

程限雖欲奮志勉業勢或未及亦其可惜臣等之意今此落講儒生限三年收  
布其後再行考講入格者仍屬校案不入格者更議處置則有志者得以自奮  
而今日汰降之舉反為作成人材之地恐或便當又念學校者 聖廟所在多  
士所會實教化風俗之本也八道之中獨嶺南稍知學校之重頗有鄒魯遺風  
其餘則名曰校生人皆賤惡故士族之子咸恥屬焉今此事目內勿問貴賤在  
京為學生在鄉為校生者乃所以矯風俗而崇學校之意也令禮官申明 祖  
宗之法另為事目令諸道監司加意施行使人知有學校之重則其於風俗之  
助必不淺淺矣 荅曰徐議處置○仁王山曲城外有虎攫食樵者仍踰入仁  
慶宮後苑苑囿司提調及都監大將摠戎大將率兩營軍兵尋蹤捕捉○判敦  
寧府事李直彥上疏曰今年已至八十有三歲疾病深重請命鑄革臣職亟施  
退老之典且伏聞 聖上誠孝出天魂宮大小之祀逐日親臨伏望深惟 宗  
社大計愛惜千金之軀以全大孝垂裕無疆 荅曰省疏具悉至懇嘉卿愛君  
之誠卿雖老病決不可退卿宜勿辭安心調理○丙寅領中樞府事李元翼入  
來○辰時日上有背色內赤外青○丁巳夜流星出密雲天中色赤坤方東方  
巽方有氣如火光○戊午憲府啓曰吉州為北關重地屢經武夫且因數逆凋